

新樂縣志卷之九

禮樂志

志曰率民和神執祭為大

備樂和表儀以立極斯

王章用志禮樂

公儀

萬壽聖節千秋冬至元旦知

朝服先一日習儀於

朝賀禮如制祝從縣官

開讀

詔勅知縣率僚屬等眾遵制如

朝賀儀行禮

新官上任先一日致齋於城隍廟至日祭城隍畢詣

縣祭儀門畢具公服行謝

恩禮畢公座畢更服行參見禮畢諭僚屬署公移乃退

歲立春預造土牛芒神先一日縣官率眾迎於東郊

赴春宴至日縣官具朝服率屬行鞭春禮

日食知縣率僚屬師生人等具朝服伐鼓行救護禮

月食知縣具常服率僚屬師生人等行救護禮於縣
如日食

祠祀

先師廟春秋仲月上丁日致祭

啓聖祠文昌祠鄉賢祠名宦祠俱上下日祭

城隍廟在縣治東肇建莫考洪武二年勅封顯祐伯新樂城隍之神成化辛丑知縣張增重脩嘉

靖年間民易塑像以銅飾體以金萬曆年間居民於殿前增建捲庭三間大門外新建顯佑坊一座及兩祠而新之有記有司履任誓神朔望行香早潦瘟疫禱此

馬神廟在太僕寺西舊在城外西草場內正統年間縣丞吳完移此嘉靖四十一年知縣汪鑑重

脩撤塑像易以木主歲春秋仲月上戊日祭

土地祠在縣大門內東歲春秋仲月上戊日祭

八蜡廟在東關外舊在關內街北嘉靖年間知縣白應虛移此歲春秋仲月上戊日祭

社稷壇在城外西壇高三尺四面各出一陞歲春秋仲月上戊日祭

風雲雷雨山川壇在縣廓外東南舊在南關廂內成化年間知縣張靜遷此歲春秋仲

月上戊日以城隍合祭制與社稷壇同

邑厲壇在縣城外東北壇上有神亭一間祭文石碎一通歲舉祀於清明七月望十月朔以城隍

為主

鄉厲壇十三社俱有今廢

龍姥宮在南廓外路東

龍王廟在南廓外路西

三官廟凡五一在城外順城街西玄帝廟前一在城南大流村一在南蘓村春露臺上一在馬頭

舖通濟橋左一在城西堽頭村

玄帝廟凡三一在縣城外東南三官廟後一在縣南馬頭舖一在縣東壘頭村俱有記

關王廟在西關舊在南門外內祀關公二郎二神成化五年知縣韓文徙此嘉靖四十一年知縣

汪鎰撤二郎像獨祀關公焉有記

伏羲廟在縣西十五里義臺上舊每歲三月十八日縣官止具香楮一謁萬曆十一年知縣趙一

經始創祀典云

新樂縣志卷之九

北嶽廟凡二一在縣北韓村三里許有古柏數株蒼然可愛一在縣西長壽村

孔子廟在縣西四十里筆頭村壁里書院內有先賢四配十哲塑像存焉

閔子祠在縣西五十里閔鎮村俗傳閔子故宅又云小兒災疾禱此即愈今祠廢而址猶存焉

東嶽廟凡三一在縣東一里許一在北青同村一在雙晶村

玉帝廟凡二一在城東五樓村一在城北梁庄村有古槐蒼蒼

泰山聖母廟凡四一在城南小寨村一在城東宋村一在五樓村一在縣南畫壁村

昭烈武成王廟在縣西東田村

水神祠在縣西南東陽村河北岸前有龍泉

祭祀之典所以報功也故為萬世立法程者祀之為

闔邑樹保障阜財用者祀之他若崇虛尚寂簣鼓斯
民竟一切罷去無相濫也

鄉飲

遵照

國朝集禮歲正月望十月朔縣官於明倫堂舉行

風俗

性多敦厚務在農桑好尚儒學傷於遲重隋書地志俗

尚剛勁人習文武有慷慨之風郡志人物質朴風土淳

厚重建儒學記婚姻喪葬交相為助舊志

榆次孫昌題婚喪相助二首

新市遺傳太昊風麗皮為禮結婚姻耻聞夷虜論財
說擬結陳朱倚玉因派水古來民尚質邦畿今也俗
還淳共牢合豎咸如制無愧閨門正始倫○降古誰
名仁德鄉果然問里恤隣亡人人輸力相營葬戶戶
施財助治喪不必克夫周麥斛何芳元振盡錢囊此
鄉淳古唐虞俗好達觀風表聖皇

正月一日鷄初鳴燃燈作供以禮天地神祇先祖拜

尊長已乃盛服交相拜賀罷市三五日元宵張燈為

樂點放花炮烟火十六日為殘灯男女遊翫謂之走

百病

二月二日俗傳龍擡頭以薪灰撒井邊引圍屋垣謂

婚禮兒女在襁褓時用媒約結。遂行定禮嫁娶時至男家具猪羊米麥酒果首飾木物邀親友作鼓吹迎致女家謂之下財婦翁具粧奩僕媵亦迎致之謂之陪送娶之日婿不親迎惟門屏以俟焉。至於貧者亦各稱家士大夫之家多擇婿擇女不用術士合婚之事。

喪禮人家多脩佛事士夫家間行文公家禮親識奠賻喪家用裂帛以為贈。荅發引之日親識即束帛以送至葬所經過親家則設路祭。

新樂錄卷之九

二

祭禮民間於新正元旦清明七月望日十月朔日夕至除歲各祭祖先祭器隨貧富所算或用牲醴或止用隨時飲食焚燒楮錢。

按邑舊俗樸野宴無多味衣止葛帛年來競尚奢侈家無勺粟而口飲醲脆筍無寸縷而體被文繡且婚喪溺於習俗罔遵古禮近歲縣主與本學三館凡遇士民之有婚喪者每諄諄以文公家禮教之又嘗相與會定婚喪儀註未果以此是禮之行雖未遍及於下民而凡列士人之林少知其俗之非者莫不稱其

言之是欲同歸於禮之中矣

新樂錄卷之九

六